

պետութեան օրով: Երբ Ֆելիքս Ֆապրի 1484ին այցելեց հոս, ամբողջութեամբ իսլամական տան մը վերածուած էր ան, բայց միևնոյն ժամանակ կը նկատուէր Իւղաբերից տեղը. Ֆապրիին խօսքերն են. «Երբ Ս. Յակոբի վանքէն դուրս ելանք, փողոցի երկարութեամբ գնացինք և մեր ճամբուըն վրայ գտանք մեծ ֆար մը: Հին քրիստոնեաները այդ տեղը դրած էին այդ քարը, վրան զի այդ տեղւոյն վրայ երեցած էր Տէրը Իւղաբեր կանանց՝ երբ անոնք ետ կը դառնային գերեզմանէն. Տէրը ըսաւ անոնց «ողջ էք. և նոքա մատուցեալ կալան զոտս նորա և երկիրպագին նմա» (Մատթ. ԻԸ. 9): Հոն մենք ալ խոնարհեցանք և համբուրեցինք այն հողը՝ որուն վրայ Տէրը կոխած էր...: Երբեմն շինուած էր հոն մեծ եկեղեցի մը, զոր Սարակիստաները քանդեցին, ինչպէս նաև ուրիշ եկեղեցիներ: Այս քարին քովի ճանապարհը կը տանի դէպի Ս. Գերեզման. ուխտաւորք միշտ այս տեղէն կ'անցնին Գեւրեզման երթալու համար: Ես ալ զրեթէ օրը վեց անգամ այս ճանապարհէն կ'անցնէի. ամէն անգամ որ կ'անցնէի նոյն քարը կը համբուրէի»: Յիշատակուած քարը երկար ժամանակ ճանապարհին վրայ չէ թողուած. մինչև 1517 թուականը, քիչ ժամանակ մ'ալ, մնացած է ճանապարհին վրայ: Հարիւր տարի վերջ իսլամական «տունը» նկատուած է Իւղաբերից եկեղեցին, և նոյն տունը փողոցին վրայ ցցուած անկիւն մ'ունենալով ուխտաւորները կը համբուրէին զայն: 1697ին Մանտրէլ կ'ակնարկէ Տար Տիսին և կը յորէ թէ ան ի հնումն Իւղաբեր կանանց եկեղեցին եղած է. և հաւանական է որ ի սկզբան սինակոկ մը եղած ըլլայ: Նոյն տանը կից կը գտնուի գերեզմանատեղի մը ուր կան մէկ քանի իսլամական տապանաքարեր, որոնց վրայ զիշեր ժամանակ կանթեղներ կը վառուին և կայ նաև փոքր աղօթատեղի մը»:

Տեղեկագրին խօսքերը շատ որոշ են. ճարտարապետական քննութեամբ, և յիշեալ ուղեգիրներու ծանօթագրութիւններէն կը հասկցուի թէ ակնարկուած տունը Իւղաբեր կանանց եկեղեցին եղած է արաբական տիրապետութենէն առաջ: Նոյն տեղւոյն իբր ուխտատեղի գոյութիւնը կը հաստատուի նաև մեր ձեռքը գտնուած ուխտաձայրերու երկու ցուցակներէն. մին՝ Ակիւրմանցի Նիկողայոս եպս.ի, որ Ֆելիքս Ֆապրիէն մէկ տարի առաջ (1483ին) ուխտի եկած է և նոյն տեղը հետեւեալ կերպով կը յիշատակէ իր ցուցակին մէջ. եւ երբ երբս ի Յարութիւնն՝ դուռն